



BOSNIA AND HERZEGOVINA
MINISTRY OF COMMUNICATIONS AND TRANSPORT



Број: UP1:01-50-2-4694-1/22
Сарајево, 11.10.2022. године

На основу члана 14. став (2) Закона о слободи приступа информацијама у Босни и Херцеговини („Службени гласник БиХ“, бр. 28/00, 45/06, 102/09, 62/11 и 100/13), а у вези са чланом 193. Закона о управном поступку („Службени гласник БиХ“, бр. 29/02, 12/04, 88/07, 93/09, 41/13 и 53/16), рјешавајући по захтјеву адвоката Милана Матића за слободу приступа информацијама од 10. 10. 2022. године, шеф Кабинета – савјетник министра комуникација и транспорта Босне и Херцеговине, по овлашћењу министра комуникација и транспорта Босне и Херцеговине број 01-04-07-2-402/20 од 6. 2. 2020. године, доноси

Р Ј Е Ш Е Њ Е
о слободи приступа информацијама

- 1) Адвокату Милану Матићу одобрава се приступ информацијама по захтјеву од 10. 10. 2022. године.
- 2) Подносиоцу захтјева из тачке 1) диспозитива тражени подаци достављају се у форми табеларног приказа.

Образложење

Адвокат Милан Матић обратио се 10. 10. 2022. године Министарству комуникација и транспорта Босне и Херцеговине (у даљем тексту: Министарство) захтјевом за слободу приступа информацијама у складу са одредбама Закона о слободи приступа информацијама у Босни и Херцеговини („Службени гласник БиХ“, бр. 28/02, 45/06, 102/09, 62/11 и 100/13, у даљем тексту: Закон).

У захтјеву је наведено да се тражи приступ информацијама, односно достава копије слједећих докумената: - *Закључак Савјета министара са 97. сједнице одржане б. 4. 2017. године у вези са измјеном Правилника о условима за издавање лиценце и квалификационе картице возача (продужење рока)*; - *акт МКТ-а број 08-02-2-1030-3/17 од 27. 4. 2017. године којим је обавијештена Гранична полиција да ентитетске лиценце вриједе за обављање међународног превоза путника и роба.*

У складу са чланом 11. Закона, утврђено је да је захтјев уредан.

Поступајући по предметном захтјеву, Министарство је у складу са чланом 14. став (1) Закона и Водича о слободи приступа информацијама број: 01-04-50-2-3460/12 од 28. 5. 2012. године предузело све потребне радње како би прикупило тражене информације и размотрило све чињенице и околности које су значајне за обраду предметног захтјева. У конкретном поступку, утврђено је да су испуњени законски услови за одобрење приступа траженим информацијама.

С тим у вези, у складу са чланом 14. став (2) тачка ц) Закона, одобрава се приступ траженим информацијама. Како је број страница тражене документације мањи од 20, она се, као прилог овог рјешења, у смислу члана 16. Закона, бесплатно доставља подносиоцу.

У складу са претходно наведеним, одлучено је као у диспозитиву овога рјешења.

Упутство о правном лијеку: Против овог рјешења дозвољена је жалба Жалбеном савјету при Савјету министара Босне и Херцеговине у року од 15 дана од дана његовог пријема.

У случају да подносилац захтјева није задовољан поступањем овог органа, има право обраћања Омбудсмену за људска права Босне и Херцеговине, Академика Јована Сурутке 13, 78 000 Бања Лука.



Прилог: као у тексту

Достављено:

- Адвокат Милан Матић, Милоша Црњанског 1/1, 76 300 Бијељина;
- Спис предмета.



BOSNIA AND HERZEGOVINA
MINISTRY OF COMMUNICATIONS AND TRANSPORT

Broj: 08-02-2-1030-3/17
Datum: 27.04.2017 godine

BOSNA I HERCEGOVINA
MINISTARSTVO SIGURNOSTI
GRANIČNA POLICIJA
SARAJEVO, Reufa Muhića 2a

PREDMET: Informacija u vezi primjene Pravilnika o uvjetima za izdavanje licenci i kvalifikacijskih kartica vozača, dostavlja se

Poštovani,

Ovim putem vas informišemo da je Vijeće ministara Bosne i Hercegovine na 97. sjednici održanoj 06.04.2017.godine usvojilo informaciju Ministarstva komunikacija i prometa Bosne i Hercegovine, u vezi sa primjenom Pravilnika o uvjetima za izdavanje licenci i kvalifikacijskih kartica vozača, te donijelo sljedeći zaključak, citiramo kako slijedi:

„ Rok utvrđen članom 39. stav (2) Pravilnika o uvjetima za izdavanje licenci i kvalifikacijskih kartica vozača mijenja se i odgađa do isteka roka od 90 dana, od dana stupanja na snagu Zakona o izmjenama i dopunama Zakona o međunarodnom i međuentitetskom cestovnom prijevozu“.

Do tada ostaju na snazi entitetske licence za obavljanje međunarodnog prijevoza putnika i roba.

Za sva dodatna pitanja ostajemo vam na raspolaganju.

S poštovanjem,



Dostavljeno:

- Naslovu:
- 01,02,03,05,08
- a/a.



12.4.2017 16:23

Zaključci 97. sjednice Vijeća ministara Bosne i Hercegovine, održane 6. 4. 2017. godine

1. Zapisnik 96. sjednice Vijeća ministara Bosne i Hercegovine

Vijeće ministara je odgodilo usvajanje Zapisnika 96. sjednice Vijeća ministara Bosne i Hercegovine za narednu sjednicu radi dodatnih usluglašavanja.

2. Nacrt osnova za vođenje pregovora radi zaključivanja Sporazuma o izmjeni Sporazuma između Vijeća ministara Bosne i Hercegovine i Vlade Republike Hrvatske o izgradnji međudržavnog mosta preko rijeke Save kod Svilaja i priključnih graničnih dionica autoceste na Koridoru Vc

Vijeće ministara je utvrdilo Prijedlog osnova za vođenje pregovora radi zaključivanja Sporazuma o izmjeni Sporazuma između Vijeća ministara Bosne i Hercegovine i Vlade Republike Hrvatske o izgradnji međudržavnog mosta preko rijeke Save kod Svilaja i priključnih graničnih dionica autoceste na Koridoru Vc.

Zaključeno je da Ministarstvo komunikacija i prometa dostavi Prijedlog osnova Predsjedništvu Bosne i Hercegovine u daljnju proceduru, uz prijedlog da se za potpisnika Sporazuma odredi ministar komunikacija i prometa.

3. Nacrt odluke o ratifikaciji Sporazuma između Vijeća ministara Bosne i Hercegovine i Vlade Ruske Federacije o reguliranju obveza bivšeg SSSR-a po obračunima u vezi s robnim prometom između bivšeg SSSR-a i bivše SFRJ

Vijeće ministara je utvrdilo Prijedlog odluke o ratifikaciji Sporazuma između Vijeća ministara Bosne i Hercegovine i Vlade Ruske Federacije o reguliranju obveza bivšeg SSSR-a po obračunima u vezi s robnim prometom između bivšeg SSSR-a i bivše SFRJ.

Zaključeno je da Ministarstvo vanjskih poslova dostavi Prijedlog odluke Predsjedništvu Bosne i Hercegovine, radi donošenja.

4. Nacrt sporazuma o suradnji između Vijeća ministara Bosne i Hercegovine i Vlade Republike Makedonije u procesu pristupanja Europskoj uniji

Vijeće ministara je utvrdilo Prijedlog sporazuma o suradnji između Vijeća ministara Bosne i Hercegovine i Vlade Republike Makedonije u procesu pristupanja Europskoj uniji.

Zaključeno je da Ministarstvo vanjskih poslova dostavi Prijedlog sporazuma Predsjedništvu Bosne i Hercegovine u daljnju proceduru, uz prijedlog da se za potpisnika Sporazuma odredi ministar vanjskih poslova.

5. Nacrti odluka o ratifikaciji međunarodnih ugovora

Vijeće ministara je utvrdilo pojedinačne prijedloge odluka o ratifikaciji sporazuma, i to:

- Prijedlog odluke o ratifikaciji Sporazuma između Vijeća ministara Bosne i Hercegovine i Vlade Savezne Republike Njemačke o financijskoj suradnji u 2013. godini;
- Prijedlog odluke o ratifikaciji Sporazuma o statusu i funkcioniranju Međunarodne komisije za nestale osobe.

Zaključeno je da Ministarstvo vanjskih poslova dostavi prijedloge odluka Predsjedništvu Bosne i Hercegovine, radi donošenja.

6. Nacrt odluke o otkazivanju Konvencije o podzemnom radu (žene), broj 45 iz 1935. godine, Međunarodne organizacije rada

Vijeće ministara je, uz prihvaćene korekcije Ureda za zakonodavstvo Vijeća ministara i uz obvezu pribavljanja mišljenja Ministarstva za ljudska prava i izbjeglice, utvrdilo Prijedlog odluke o otkazivanju Konvencije o podzemnom radu (žene), broj 45 iz 1935. godine, Međunarodne organizacije rada.

Zaključeno je da Ministarstvo civilnih poslova dostavi Prijedlog odluke Predsjedništvu Bosne i Hercegovine, u daljnju proceduru.

7. Nacrt odluke o usvajanju Programa razvoja sustava zaštite i spašavanja institucija i tijela Bosne i Hercegovine za razdoblje 2018. - 2022.

Vijeće ministara je utvrdilo Prijedlog odluke o usvajanju Programa razvoja sustava zaštite i spašavanja institucija i tijela Bosne i Hercegovine za razdoblje 2018. - 2022.

Zaključeno je da Ministarstvo sigurnosti dostavi Prijedlog odluke Parlamentarnoj skupštini Bosne i Hercegovine, u daljnju proceduru.

8. Prijedlog odluke o stavljanju izvan snage Odluke o osnovama uporabe elektroničkog potpisa i pružanja usluga ovjeravanja

Vijeće ministara je donijelo Odluku o stavljanju izvan snage Odluke o osnovama uporabe elektroničkog potpisa i pružanja usluga ovjeravanja, te konstatiralo da je riječ o odluci koja je usvojena 2009. godine, te da je u međuvremenu došlo do brojnih unapređenja, tehničko-tehnoloških postupaka, kao i da je Vijeće ministara usvojilo niz pravilnika iz ove oblasti koji su sada osnova za mijenjanje Odluke.

9. Informacija o realizaciji Sporazuma između Vijeća ministara Bosne i Hercegovine i Vlade Kraljevine Norveške o provedbi projekta „Javne službe za tržište nekretnina i europske integracije“

Vijeće ministara je razmotrilo i usvojilo Informaciju o realizaciji Sporazuma između Vijeća ministara Bosne i Hercegovine i Vlade Kraljevine Norveške o provedbi projekta „Javne službe za tržište nekretnina i europske integracije“, te u vezi s tim donijelo sljedeće zaključke:

- odobrava se produženje trajanja projekta „Javne službe za tržište nekretnina i europske integracije“ s rokom završetka do 31. 12. 2017. godine, pod uvjetom da ovaj rok odobri i Ministarstvo vanjskih poslova Kraljevine Norveške;

- zadužuje se Ministarstvo civilnih poslova Bosne i Hercegovine da putem Ministarstva vanjskih poslova Bosne i Hercegovine obavijesti Vladu Kraljevine Norveške o odobrenju produženja trajanja projekta „Javne službe za tržište nekretnina i europske integracije“;

- pozivaju se nadležne entitetske uprave za geodetske i imovinskopravne poslove da poduzmu sve aktivnosti u cilju završetka projekta „Javne službe za tržište nekretnina i europske integracije“, u skladu s novim produženim rokom za implementaciju projekta.

10. Informacija o automatskom produžavanju Sporazuma o Srednjoeuropskom programu razmjene za sveučilišne studije – CEEPUS III

Vijeće ministara je obavilo raspravu o Informaciji o automatskom produžavanju Sporazuma o Srednjoeuropskom programu razmjene za sveučilišne studije – CEEPUS III.

Zaduženo je Ministarstvo civilnih poslova da od nadležnih entitetskih ministarstava zatraži izjašnjenja u vezi s osiguranjem financijskih sredstava za obveze preuzete predmetnim sporazumom.

11. Informacija o nemogućnosti realizacije planiranih aktivnosti iz Programa rada koje je potrebno da odobri Upravni odbor Agencije za sigurnost hrane Bosne i Hercegovine

Vijeće ministara je razmotrilo i usvojilo Informaciju o nemogućnosti realizacije planiranih aktivnosti iz Programa rada koje je potrebno da odobri Upravni odbor Agencije za sigurnost hrane Bosne i Hercegovine.

Zadužuju se članovi Upravnog odbora Agencije za sigurnost hrane Bosne i Hercegovine da, u što kraćem roku, iznađu rješenje u cilju funkcioniranja Upravnog odbora i osiguravanja da Agencija obavlja svoje funkcije i izvršava zadatke koji su joj dodijeljeni u skladu sa zakonom.

Također, zadužen je Upravni odbor Agencije za sigurnost hrane da, u najkraćem roku, uskladi odredbe Poslovnika o radu sa odredbama Zakona o hrani.

12. Informacija o pokrenutim arbitražnim postupcima protiv Bosne i Hercegovine i njenih institucija

Vijeće ministara se upoznao s Informacijom o pokrenutim arbitražnim postupcima protiv Bosne i Hercegovine i njezinih institucija, koju je pripremio Pravobraniteljstvo Bosne i Hercegovine.

Zadužuje se Pravobraniteljstvo Bosne i Hercegovine da poduzme sve potrebne radnje i mjere u cilju zaštite imovine i imovinskih interesa Bosne i Hercegovine u predmetnim arbitražnim postupcima.

Zadužuju se sve institucije i tijela Bosne i Hercegovine da Pravobraniteljstvu Bosne i Hercegovine pruže neophodnu pomoć u vođenju arbitražnih postupaka.

Također, zadužuje se Ministarstvo komunikacija i prometa da, u suradnji s Pravobraniteljstvom Bosne i Hercegovine pripremi i Vijeću ministara dostavi cjelovit izvještaj s pregovora o pokušaju postizanja nagodbe i mirnog rješavanja spora između Ministarstva komunikacija i prometa i tužitelja Strabag AG.

Zadužuje se Pravobraniteljstvo Bosne i Hercegovine da pripremi i Vijeću ministara dostavi cjelovitu informaciju u vezi s načinom i postupkom izbora odvjetničkih ureda koji zastupaju Bosnu i Hercegovinu u arbitražnom postupku pred Međunarodnim centrom za rješavanje investicijskih sporova u Washingtonu (ICSID) po tužbi/zahtjevu „Elektrogospodarstva Slovenije - Razvoj in inženjering“ protiv Bosne i Hercegovine.

Zaduženo je Pravobraniteljstvo Bosne i Hercegovine da Informaciju o pokrenutim arbitražnim postupcima protiv Bosne i Hercegovine i njezinih institucija dostavi Parlamentarnoj skupštini Bosne i Hercegovine, radi upoznavanja.

13. Informacija o aktivnostima Ministarstva sigurnosti Bosne i Hercegovine u prihvatu državljana Bosne i Hercegovine koji se vraćaju iz Savezne Republike Njemačke u Bosnu i Hercegovinu na osnovu Evropskog hitnog putnog lista za povratak (Laissez Passer)

Vijeće ministara je razmotrilo i usvojilo Informaciju Ministarstva sigurnosti BiH o aktivnostima u prihvatu državljana Bosne i Hercegovine koji se vraćaju iz Savezne Republike Njemačke u Bosnu i Hercegovinu na osnovu Evropskog hitnog putnog lista za povratak (Laissez Passer), te u vezi s tim zaključilo:

- produžava se uporaba EU – Laissez Passer – Evropskog putnog lista za povratak, izdanog od mjerodavnih tijela Savezne Republike Njemačke, koji će važiti za državljane Bosne i Hercegovine prilikom njihovog povratka/protjerivanja u Bosnu i Hercegovinu, u dodatnom razdoblju do 31. 12. 2017. godine, počevši od dana donošenja ovog zaključka.

Zadužuje se Ministarstvo sigurnosti Bosne i Hercegovine da prati ovaj proces i da po potrebi o tome informira Vijeće ministara Bosne i Hercegovine.

14. Izvješće o stanju u oblasti trgovine ljudima u Bosni i Hercegovini, s Izvješćem o provedbi Akcijskog plana za borbu protiv trgovine ljudima u Bosni i Hercegovini za 2016. godinu

Vijeće ministara je razmotrilo i usvojilo Izvješće o stanju u oblasti trgovine ljudima u Bosni i Hercegovini i Izvješće o provedbi Akcijskog plana za borbu protiv trgovine ljudima u Bosni i Hercegovini za 2016. godinu.

Zaduženo je Ministarstvo sigurnosti da navedene materijale dostavi Vijeću za djecu Bosne i Hercegovine, te svim drugim nevladinim organizacijama koje se bave sprječavanjem trgovine ljudima.

15. Prijedlozi odluka o stjecanju državljanstva Bosne i Hercegovine

Vijeće ministara je donijelo pojedinačne odluke o prijemu u državljanstvo Bosne i Hercegovine, i to:

- Simone Milanolo;
- Nedžada Murića;
- Denisa Selmanovića.

Vijeće ministara nije prihvatilo zahtjev za prijem u državljanstvo Bosne i Hercegovine Hameda Khaleda Abdulkarema Nassera.

16. Izvješće o radu Neovisnog povjerenstva za praćenje uvjeta boravka u zavodima, postupanje i poštivanje ljudskih prava osoba nad kojima se izvršavaju kaznene sankcije i druge mjere koje je izrekao u kaznenom postupku Sud Bosne i Hercegovine, strani sudovi za djela predviđena Kaznenim zakonom Bosne i Hercegovine ili međunarodim ugovorom čija je potpisnica Bosna i Hercegovina ili drugi sud, u skladu sa zakonom Bosne i Hercegovine za 2016. godinu, s preporukama – realizacija preporuka

Vijeće ministara se upoznao s Izvješćem o radu Neovisnog povjerenstva za praćenje uvjeta boravka u zavodima, postupanje i poštivanje ljudskih prava osoba nad kojima se izvršavaju kaznene sankcije i druge mjere koje je izrekao u kaznenom postupku Sud Bosne i Hercegovine, strani sudovi za djela predviđena

Kaznenim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud, u skladu sa zakonom Bosne i Hercegovine za 2016. godinu, s preporukama – realizacija preporuka.

Za realizaciju preporuka iz Izvješća, a koje se odnose na Vijeće ministara, zaduženo je Ministarstvo pravde.

17. Prijedlozi odgovora na izaslanička pitanja

Vijeće ministara je utvrdilo odgovore na izaslanička pitanja, i to:

- odgovor na pitanje Ljilje Zovko, izaslanice u Domu naroda Parlamentarne skupštine Bosne i Hercegovine, na prijedlog Ministarstva vanjske trgovine i ekonomskih odnosa;
- odgovor na pitanje Ljilje Zovko, izaslanice u Domu naroda Parlamentarne skupštine Bosne i Hercegovine, na prijedlog Agencije za državnu službu BiH;

Odgovore na izaslanička pitanja Generalno tajništvo Vijeća ministara Bosne i Hercegovine dostavit će Parlamentarnoj skupštini Bosne i Hercegovine.

18. Imenovanja u institucijama Bosne i Hercegovine iz nadležnosti Vijeća ministara Bosne i Hercegovine:

- **Prijedlog odluke o imenovanju članova Stručne skupine za sudjelovanje u radu zajedničkih radnih tijela za identifikaciju i obilježavanje državne granice sa susjednim zemljama**

Predlagač: Ministarstvo civilnih poslova

Vijeće ministara je dalo suglasnost na Prijedlog odluke o imenovanju članova Stručne skupine za sudjelovanje u radu zajedničkih radnih tijela za identifikaciju i obilježavanje državne granice sa susjednim zemljama.

- **Prijedlog odluke o izmjenama i dopuni Odluke o formiranju Radne skupine za izradu procjene rizika od pranja novca i financiranja terorizma u Bosni i Hercegovini**

Predlagač: Ministarstvo sigurnosti

Vijeće ministara je donijelo Odluku o izmjenama i dopuni Odluke o formiranju Radne skupine za izradu procjene rizika od pranja novca i financiranja terorizma u Bosni i Hercegovini.

- **Informacija o potrebi imenovanja v. d. direktora Centra za informiranje i priznavanje dokumenata iz područja viskog obrazovanja**

Predlagač: Ministarstvo civilnih poslova

Vijeće ministara je razmotrilo i usvojilo Informaciju Ministarstva civilnih poslova o potrebi imenovanja v. d. direktora Centra za informiranje i priznavanje dokumenata iz područja visokog obrazovanja, te u vezi s tim donijelo sljedeće zaključke:

- Vijeće ministara razrješava Borka Sorajića dužnosti direktora Centra za informiranje i priznavanje dokumenata iz područja visokog obrazovanja s 10. 4. 2017. godine, zbog isteka mandata;

- Vijeće ministara imenuje Damira Ljubića za v. d. direktora Centra za informiranje i priznavanje dokumenata iz područja visokog obrazovanja, počevši od 10. 4. 2017. godine, na vrijeme najduže do okončanja natječajne procedure za izbor i imenovanje direktora Centra za informiranje i priznavanje dokumenata iz područja visokog obrazovanja.

Zadužuje se Ured za zakonodavstvo Vijeća ministara Bosne i Hercegovine da izradi akte o razrješnju i imenovanju, te ih dostavi u Ured predsjedatelja Vijeća ministara Bosne i Hercegovine, radi potpisivanja.

19. Usmena informacija ministra pravde o važnosti funkcioniranja Upravnog i Nadzornog odbora Zavoda za izvršenje kaznenih sankcija, pritvora i drugih mjera Bosne i Hercegovine – u izgradnji

Vijeće ministara se upoznalo s usmenom informacijom ministra pravde o važnosti funkcioniranja Upravnog i Nadzornog odbora Zavoda za izvršenje kaznenih sankcija, pritvora i drugih mjera Bosne i Hercegovine – u izgradnji, te konstatiralo da je Odluka o imenovanju Upravnog odbora Zavoda za izvršenje kaznenih sankcija, pritvora i drugih mjera Bosne i Hercegovine – u izgradnji donesena na 93. sjednici Vijeća ministara koja je održana 8. 3. 2017. godine, te da stupa na snagu danom donošenja.

U Odluci treba stajati da je nadležnost Upravnog odbora Zavoda, regulirana Zakonom o osnivanju Zavoda za izvršenje kaznenih sankcija, pritvora i drugih mjera Bosne i Hercegovine.

20. Informacija u vezi s primjenom Pravilnika o uvjetima za izdavanje licencija i kvalifikacijskih kartica vozača

Vijeće ministara je razmotrilo i usvojilo Informaciju u vezi s primjenom Pravilnika o uvjetima za izdavanje licencija i kvalifikacijskih kartica vozača, s predloženim zaključcima.

21. Tekuća pitanja

Informacija u vezi primjene Pravilnika o uvjetima za izdavanje licenci i kvalifikacionih kartica vozača

Vijeće ministara je na 52. sjednici održanoj 21.04.2016. godine razmotrilo i usvojilo Informaciju u vezi primjene Pravilnika o uvjetima za izdavanje licenci i kvalifikacionih kartica vozača („Službeni glasnik BiH“, broj 77/14).

Ministarstvo komunikacija i prometa Bosne i Hercegovine je, zaključkom sa iste sjednice, zaduženo da poduzme sve neophodne aktivnosti kako bi Prijedlog zakona o izmjenama i dopunama Zakona o međunarodnom i međuentitetskom cestovnom prijevozu (u daljem tekstu: Prijedlog zakona), bio razmatran od strane Vijeća ministara BiH i upućen u parlamentarnu proceduru prije isteka roka od 31.12.2016. godine.

Slijedom navedenog, zaključkom Vijeća ministara BiH, do 31.12.2016. godine, dozvoljeno je obavljanje međunarodnog prijevoza putnika i roba i prijevoznicima koji posjeduju licence izdate od strane nadležnih organa entiteta i Brčko Distrikta BiH.

Na prijedlog Ministarstva komunikacija Bosne i Hercegovine, Vijeće ministara BiH je na 71. sjednici održanoj 31.08.2016. godine utvrdilo Prijedlog zakona.

Članom 2. Prijedloga zakona jasnije se uređuje oblast licenciranja prijevoznika koji sudjeluju u međunarodnom prijevozu putnika ili tereta. Definiše se način izdavanja licence prijevoznika, izvoda licence za vozilo i kvalifikacijske kartice vozača.

U članu 3. Prijedloga zakona dodaje se novi član 5a. kojim se preciziraju uvjeti dokazivanja dobrog ugleda i finansijske sposobnosti prijevoznika, kao preduvjet stjecanja licence definirane članom 5. Zakona o međunarodnom i međuentitetskom cestovnom prijevozu („Službeni glasnik BiH“, br. 1/02 i 14/03). Također, propisuje se obaveza stručne osposobljenosti osobe odgovorne za prijevoz i vozača.

Prijedlog zakona usvojen je u drugom čitanju na 38. sjednici Predstavničkog doma Parlamentarne skupštine Bosne i Hercegovine održanoj 30.11.2016. godine, te se moglo očekivati da će Prijedlog zakona biti razmatran na Domu naroda Parlamentarne skupštine BiH u prvom čitanju u februaru mjesecu, te u drugom čitanju u martu ove godine.

Obzirom na navedeno, na prijedlog Ministarstva komunikacija i prometa, Vijeće ministara Bosne i Hercegovine, na 91. sjednici održanoj 08.02.2017. godine, donijelo je zaključak kojim se rok iz člana 39. stav (2) Pravilnika o uvjetima za izdavanje licenci i kvalifikacijskih kartica vozača, prolongira do stupanja na snagu Zakona o izmjenama i dopunama Zakona o međunarodnom i međuentitetskom cestovnom prijevozu, a najduže do 30.04.2017. godine. U pitanju je rok do koga je obavljanje međunarodnog prijevoza putnika i roba dozvoljeno i prijevoznicima koji posjeduju licence izdate od strane nadležnih organa entiteta i Brčko Distrikta BiH.

Međutim, obzirom na to da zbog neodržavanja sjednica Doma naroda Parlamentarne skupštine Bosne i Hercegovine predmetni zakon nije usvojen u planiranom periodu, ukazala se potreba za daljim odlaganjem naprijed navedenog roka. Također, nakon usvajanja i stupanja na snagu predmetnog zakona i donošenja, objave i stupanja na snagu novog Pravilnika o uvjetima za izdavanje licenci i kvalifikacijskih kartica vozača, potrebno je određeno vrijeme da se uspostavi sistem provjere stručne osposobljenosti osobe odgovorne za

prijevoz i vozača, te stoga predlažemo da Vijeće ministara Bosne i Hercegovine usvoji slijedeće zaključke:

1. Usvaja se informacija Ministarstva komunikacija i prometa Bosne i Hercegovine u vezi primjene Pravilnika o uvjetima za izdavanje licenci i kvalifikacionih kartica vozača,
2. Rok utvrđen članom 39. stav (2) Pravilnika o uvjetima za izdavanje licenci i kvalifikacionih kartica vozača mijenja se i odgađa do isteka roka od 90 dana od dana stupanja na snagu Zakona o izmjenama i dopunama Zakona o međunarodnom i međuentitetskom cestovnom prijevozu,
3. Zadužuje se Ministarstvo komunikacija i prometa Bosne Hercegovine da upozna nadležne kontrolne organe sa zaključkom broj 2.,
4. Zadužuje se Ministarstvo komunikacija i prometa Bosne i Hercegovine da do isteka roka iz zaključka broj 2. donese i objavi u „Službenom glasniku BiH“ novi Pravilnik o uvjetima za izdavanje licenci i kvalifikacionih kartica vozača.
5. Zadužuje se Ministarstvo komunikacija i prometa Bosne i Hercegovine da do isteka roka iz zaključka broj 2. uspostavi sistem provjere stručne osposobljenosti osobe odgovorne za prijevoz i vozača u skladu sa novim Pravilnikom o uvjetima za izdavanje licenci i kvalifikacijskih kartica vozača.